

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126164](#)

in morte , virga enim & baculus ejus consolantur nos , ne desperemus , sed cum Hiob dicere possumus : Etiam si Dominus occiderit me , tamen sperabo in eo . Hiob . cap . 13 . vers . 15 . Tandem animam nostram afflumet in ecclœste ovile , ubi magnus numerus charorum nos expectat , ut Cyprianus ait . Ibi prorsus securi erimus , à leo-

nibus , lupis & ursis , sed in summa securitate apud Christum & sanctos Angelos pascua inveniemus , vitam cum abundantia . Joh . cap . 10 . vers . 10 . Largiatur id nobis Dominus noster , Jesus Christus . Amen .

* *

Dominica Jubilate.

Evangelium , Joh . 16 . v . 16 - - 23 .

EXORDIUM.

DE dilectissimā Jacobi Patriarchæ uxore Rachel memoratur , quod post acerbissimos partūs dolores filium enixa fuerit , cuius nomen Benoni vocavit , id est , filius doloris mei . Pater verò appellavit eum Benjamin , i.e. filius dexteræ . Gen . 35 . v . 18 .

Hac in parte Rachel imaginem repræsentat ecclesiæ militantis , in hac terrâ , quæ in specie mulieris parturientis describitur . Apoc . 12 . vers . 2 . Est enim mater omnium nostrum , Gal . 4 . v . 16 . paritq; veros Dei filios in vitam æternam , ex semine incorruptibili , per verbum Dei vivum , quod permanet in æternum . 1 . Petr . 1 . v . 23 .

Sed ante Benoni nomen gerere oportet , h. e. variis miseriis , aramnis & calamitatibus subiecti esse tenentur , mundus enim totus in maligno positus est , 1 . Joh . cap . 5 . v . 19 . Et quia Christi Iesu sunt , qui elegit eos de mundo , propterea odit eos mundus , Joh . cap . 15 . vers . 19 . Et si nō cumentum iisdem inferre potest , arbitratur , se cultum praestare Deo . Joh . cap . 16 . vers . 2 . Ne dicam varias molestias , & per-

turbationes , quas à die exitus de ventre matris eorum , usque in diem sepulturæ devorare tenentur . Sir . cap . 40 . v . 1 . Multæ enim tribulationes justorum , Psalm . 34 . v . 20 . & dolor in conspectu eorum semper , Psalm . 38 . v . 18 . Unde patientia nobis necessaria est , ut voluntatem Dei facientes , reportemus repromissionem . Hebr . c . 10 . v . 36 . Sic tandem lœtissima catastrophe sequetur , quando Pater cœlestis nomen nobis immutabit , ut non amplius Benoni , sive filii doloris , sed Benjamin , seu filii dexteræ appellemur , lœtam ex ore Christi vocem audientes : Venite benedicti patris mei , hereditario accipite , paratum vobis regnum , à constitutione mundi . Matth . 25 . v . 34 .

Hic est communis processus , quem Deus cum fidelibus suis instituere solet . In hoc mundo plorare & flere nos oportet , si ibi gaudere & triumphare volumus : Sic itar ad astra , ubi non auditur ultrà vox fletus , & vox clamoris , Es . 65 . v . 19 . sed per plateas , & vicos ejus Halleluja cantabitur . Tob . 13 . v . 22 .

De

Dominica Jubilate.

184

De hâc re concionatur Servator noster Apostolis suis , in prælecto Evangelio , quando ait : Modicum , & jam non videbitis me , quia vado ad patrem , ut ex sequentibus patet . Nos ipsum Evangelium sine ulteriori præloquio tractabimus , di- scentes ex eo .

I. Αὐθεντολογία , sive notitiam nostri .

II. Χριστογνωσία , sive notitiam Christi .

J. J.

Exegeſis.

Spiritualis sponsa sponsum suum laudatura , inter alia quoque commendat labia ejus , quod sint lilia distillantia myrrham primam , Cant. 5. v. 13.

Schmid. Col. 11. Hæc mira comparatio est , quando enim labia alba sunt , instar liliorum , hominem sanè non usque adeò exornant . Sed mystica significatio simul intuenda est , præcipue ratione liliorum distillantium myrrham , quorum mentio hâc inticuitur .

Myrræ amaræ quidem sunt , at hunc tamen usum præbent , ut corpora eâ inuncta , diu à corruptione præserventur . Hoc pii veteres applicarunt ad crucem Christianorum , quæ ipsis à Deo immittitur , quæ qui foris est homo corrumpitur , qui verò intus est , renovatur de die in diem . 1. Corinth. 4. vers. 16. Quoties igitur servator in diebus carnis suæ , de cruce prædicavit , toties dici potuit , labia ejus myrrham distillasse . Ipse enim Rex est cruce insignitus , ideoque qui discipulus ejus esse vult , insigniorum ejus eum non pudere debet , sed tollere crucem suam & sequi eum , Matth. 16. vers. 24. Propterea Magi ex oriente inter alia cum myrrâ donarunt . Matth. 2. v. 11.

Quod verò spiritualis sponsa labia ejus cum liliis comparat , eo ipso solatum ir- digitur , quod sub cruce latet . Olim e- nem lilia symbolum spei erant , unde inter Romanas moneta , lilio insignita reperi- tur , hâc cum inscriptione : *Spes populi Ro- mani* . Sic veri Christiani sub cruce non desperant , sed sperant quoque in morte , Prov. 14. v. 32. & dicunt cum Jobo : Et iam si Dominus occiderit me , tamen spe- rabo in eo . Job. 13. v. 15.

De hâc re quoque in prælecto Evange- lio agitur , in quo labia Christi destillant myrrham , quando discipulis suis de cruce prædicat , quam in mundo sustinere debeant : sed & statim candidum spei lilyum subjecit , dum consolatur ipsos , quod tribulatio non in æternum duratura sit , sed brevi latum Jubilate successurum , & con- tinuaturum esse in æternum .

Nos hinc ansam capimus Αὐθεντολογί- αν , sive notitiam nostri perdiscendi , quando intuemur :

I. Crucis intimationem , quam Christus profert , primò verbis operis , dicens : Mo- dicum , & non videbitis me , & iterum modicum , & videbitis me , quia vado ad patrem . Hoc de passione & morte ejus intelligendum est , tum enim per dies ali- quot ex oculis discipulorum sublatus est , quando cruci affixus , deinde à cruce sub- latus , sepulcro conditus est . Sed modi- cum duntaxat erat , & prodibat vicissim , in multis argumentis per dies quadraginta apparens discipulis , donec tandem viden- tibus illis ad cœlum elevatus , sed sit ad dexteram Dei . Act. 1. v. 3. 9.

Deinde quia Apostoli adeò stupidi e- rant , ut non intellegent concessionem hanc ,